

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-51/12
Vareš, 29.02. 2012. godine

Z A P I S N I K
s 35. sjednice Općinskog vijeća Vareš,
održane 30.01. 2012. godine

Milan Knežević – zamjenik predsjedavajući Općinskog vijeća Vareš, otvorio je 35. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik - Hamdo Fatić, sekretar Općinskog vijeća - Leon Pavlović, pomoćnici općinskog načelnika, zamjenica općinskog pravobranioca – Elma Brčić, zastupnik u Skupštini ZDK - Fahrudin Brkić, ispred Ministarstva poljoprivrede, šumarstva i vodoprivrede ZDK– Senada Malićbegović, direktor Šummexa d.o.o. Vareš – Sead Ganić, predstavnici firme „Marmex“ d.o.o. Sarajevo – Edna Gurda, Salih Kadić i Senad Katica, komandir PS Vareš – Meho Bajrić, predsjednici političkih stranaka, , predstavnici OSCE Terenski ured Zenica Johanna Kisielak i Dragan Vuković, komandir PVJ Vareš – Izudin Muftić, predsjednik MZ Vareš Enver Fetišević i građanin Cigura Zehrid.

Sekretar Općinskog vijeća izvijestio je Vijeće o realizaciji Zaključaka s 34. sjednice OV održane 28.12.2011. godine i dostavljenim odgovorima na vijećnička pitanja. Općinsko vijeće na 34. sjednici donijelo je 5 Zaključaka. Od tog broja 4 Zaključaka su realizovana i 1 Zaključak je u toku realizacije. Na 34. sjednici OV postavljeno je 6 vijećničkih pitanja i na sva pitanja nadležni su podnosiocima vijećničkih pitanja dostavili odgovor.

Općinski načelnik Hamdo Fatić u okviru aktuelne problematike na području općine Vareš, izvijestio je Vijeće o problemima koji su nastali zbog nedavnih snježnih padavina i radovima na čišćenju snijega. Upoznao je Vijeće i građane da se u noćnim satima vrši prepumpavanje vode iz Vareša u Vareš Majdan, zbog čega dolazi do nestanka vode na višim spratovima zgrada u Varešu. 26.01. 2012. godine donesena je Odluka o proglašenju prirodne nepogode na području općine Vareš, zbog velikih snježnih padavina. Radovi na čišćenju snijega, do jutros, su rađena vlastitim sredstvima, odnosno JKP d.o.o. Vareš je izvodilo radove. Za sutra je planirano da se donese Odluke o prestanku Odluke o proglašenju prirodne nepogode na području općine Vareš. Izvijestio je Vijeće o aktivnostima u vezi čišćenja puteva i zamolio građane, do kojih nisu očišćeni putevi, da kontaktiraju nadležne u Općini Vareš i obavijeste ih ako imaju problema i bolesnih koji imaju potrebu da se prevezu do grada. U vezi nestanka električne energije na potezu prema MZ Borovica i MZ Brugule, izvijestio je da je dobio informaciju da su radnici iz Elektro distribucije Vareš jutros otišli u MZ Borovica da otklone kvar, a da će u toku dana otići u MZ Brgule.

Zamjenik predsjedavajućeg OV pozvao je vijećnike koji nisu zadovoljni sa dobivenim odgovorom, da se izjasne.

Vijećnica Majda Muftić - zadovoljna je odgovorom koji je dobila na postavljeno vijećničko pitanje i izvijestila je Općinskog načelnika i Vijeće da se zimsko održavanje puteva ne realizuje u potpunosti kad je u pitanju čišćenje puteva kroz selo o čemu je dala i objašnjenje. Iznijela je problem u vezi prevoza učenika iz MZ Ligatići, Mižnovići i Očevje do općine Olovo i općine Vareš.

Vijećnik Ismet Abdulahović – ponovo je postavio pitanje: Kada će biti uplaćena sredstva za rad MZ Dabravine, koja su planirana u budžetu općine Vareš za 2011. godinu?

Vijećnik Džemo Kevrić - nije zadovoljan sa odgovorom koji je dobio na postavljeno vijećničko pitanje. Sugeriše Općinskom načelniku da se na sve puteve općine Vareš, na kritična mjesta izvrši dovoz posipnog materijala. Postavio je vijećničko pitanje: Traži da se prilikom zimskog održavanja puteva, na pojedinim putnim pravcima prave mimoilazna mjesta za vozila?

(Vijećnička pitanja)

Ismet Abdulahović

1. Ponovo je postavio pitanje: Kada će biti uplaćena sredstva za rad MZ Dabravine, koja su planirana u budžetu Općine Vareš za 2011. godinu?

Džemo Kevrić

2. Traži da se prilikom zimskog održavanja puteva, na pojedinim putnim pravcima prave mimoilazna mjesta za vozila?

Elvir Rožajac

3. Zašto se u jednosmjernoj ulici (ul. Put mira) konačno ne očisti trotoar?

Izvijestio je prisutne u vezi zimskog održavanja puteva u MZ Ravne prilikom nedavnih snježnih padavina, i problema oko odlaska jednog mještana doktoru.

4. Zašto se pored JKP d.o.o. Vareš, angažuju druge firme (firma Porobići i firma Bosman) na čišćenju snijega u zaseocima, ako imaju spremne mašine u JKP d.o.o. Vareš da mogu održavati sve naše mjesne zajednice? Naglašava da se može angažovati firma Šummex d.o.o. Vareš na radovima raščišćavanja puteva, (ukoliko JKP d.o.o. Vareš ne može izvršiti sve svoje obaveze), jer firma posjeduje mašinu-greder,

Tajiba Brkić

5. Može li se uputiti pitanje Kantonalnom ministarstvu zdravlja ZDK, da se kupi jedno vozilo za prevoz pacijenata na dijalizu?

Ešref Likić

6. Što je sa projektom dijela kanalizacije u MZ Stupni Do?

Općinski načelnik dao je usmene odgovore i pojašnjenja za neka postavljena pitanja vijećnika i to:

- U vezi postavljenog pitanja vijećnika Elvira Rožajac, a vezano za angažovanje drugih firmi na radovima zimskog održavanja puteva, dao je objašnjenje. Firma Porobići trebala je u subotu (28.01.2012. godine) da izvrši čišćenje puta preko Zvijezde. Radovi nisu izvršeni zbog kvara mašine-kašike. Kantonalno ministarstvo prometa, okoliša i turizma, finansiralo bi te radove na raščišćavanju puta. Vezano za firmu Bosman, izvijestio je da spomenuta firma nije bila angažovana od strane Općine Vareš. Dao je i objašnjenje u vezi čišćenja puta do sela Hajde.

- U vezi čišćenja puta od Očevije do Križevića, o čemu je govorila vijećnica Majda Muftić, Općinski načelnik je izvijestio prisutne da su Olovski šumari, svojim sredstvima rada, pomogli na čišćenju puta od Dubošnice do Križa. Nije bio upoznat da postoje problemi na tom dijelu puta, i u vezi s tim, u toku će dana raditi na aktivnostima rješavanja problema.
- U vezi pitanja koje je postavila vijećnica Tajiba Brkić, izvijestio je Vijeće da će učiniti sve što je u nadležnosti općinskog načelnika, da se iznađe način i sredstva za nabavku sanitetskog vozila za prevoz pacijenata na dijalizu, a do tada će se angažovati i vozilo Općine Vareš za prevoz pacijenata. Naglašava da je Općina Vareš do sada vršila prevoz jednom sedmično i obećao je da će Općina Vareš biti na usluzi Domu zdravlja Vareš u vezi prevoza pacijenata i više puta sedmično.

Zamjenik predsjedavajućeg OV stavio je na raspravu zapisnik sa 34. sjednice OV .

Nije bilo primjedbi i zamjenik predsjedavajućeg OV stavio je na izjašnjanje zapisnik sa 34. sjednice OV i nakon izjašnjanja vijećnika konstatovao da je **zapisnik sa 34. sjednice OV jednoglasno usvojen.**

Zamjenik predsjedavajućeg OV upoznao je Vijeće da su predstavnici firme Marmex d.o.o. Sarajevo, putem Općinskog načelnika zatražili da se tačka broj 9. prijedloga dnevnog reda za 35. sjednicu – „Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš“, razmatra kao tačka broj 1., jer pozvani iz nadležnog Ministarstva privrede ZE-DO kantona nisu prisutni na sjednici.

Na raspravu je stavljen prijedlog dnevnog reda iz poziva za 35. sjednicu OV.

Nije bilo više bilo primjedbi niti prijedloga za izmjenu ili dopunu dnevnog reda 35. sjednice OV.

Zamjenik predsjedavajućeg OV stavio je na izjašnjanje prijedlog dnevnog reda iz poziva za 35. sjednicu OV sa izmjenom i nakon izjašnjanja konstatuje da je **jednoglasno usvojen s l i j e d e ć i**

Dnevni red

1. **Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš.**
2. **Prijedlog Odluke o izmjenama i dopunama Statuta općine Vareš.**
3. **Prijedlog Odluke o izmjenama i dopunama Poslovnika o radu Općinskog vijeća Vareš-Prečišćeni tekst.**
4. **Prijedlog Odluke o utvrđivanju Dana općine Vareš.**
5. **Prijedlog Odluke o organizovanju i funkcionisanju zaštite od požara i vatrogastva.**
6. **Prijedlog Odluke o obliku i sadržaju vijećničke iskaznice.**
7. **Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2011. godinu.**
8. **Prijedlog Odluke o povjeravanju na upravljanje i korištenje vodovoda pitke vode za naselje Stupni Do sa izvorišta „Sedra“ Javnom komunalnom preduzeću d.o.o. Vareš.**

9. **Prijedlog Odluke o povjeravanju na upravljanje i korištenje vodovoda pitke vode za MZ Dabravine sa izvorišta „Tatarin“ Javnom komunalnom preduzeću d.o.o. Vareš.**
10. **Prijedlog Programa rada Općinskog načelnika za 2012. godinu.**
11. **Informacija o radu PS Vareš sa ocjenom stanja bezbjednosti u 2011. godini.**
12. **Informacija o realizaciji preporuke iz Izvještaja o reviziji finansijskog Izvještaja Općine Vareš, datih od strane Ureda za reviziju institucija u FBiH.**
13. **Informacija ŠUMMEX d.o.o. Vareš, od 20.01.2012. godine.**
14. **Tekuća pitanja.**

Ad. 1.

(Prijedlog Zaključka o davanju saglasnosti za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš.)

Predstavnica firme Marmex d.o.o. Sarajevo Edna Gurda upoznala je prisutne o djelatnosti firme i samoinicijativne ponude koju su uputili Ministarstvu privrede ZE-DO kantona, a u vezi davanja saglasnosti od strane Općinskog vijeća Vareš, za dodjelu koncesije za istraživanje i eventualnu eksploataciju mineralnog resursa-krečnjaka na lokalitetu „Očevje“, općina Vareš, o čemu je dala i objašnjenje.

Otvorena je rasprava u kojoj je su svoje primjedbe, prijedloge i mišljenja iznijeli vijećnici: Majda Muftić, Elvir Rožajac, Džemo Kevrić, Mato Pavić, Jelena Zlobec, Mario Mirčić, Ivan Lučić, Općinski načelnik, pomoćnik načelnika Ermin Musa i predstavnica firme Marmex d.o.o. Sarajevo koja je dala dodatna pojašnjenja i odgovorila na pitanja vijećnika postavljena u raspravi.

Vijećnik Mario Mirčić predložio je, ukoliko je to moguće, da su u Zaključak unese nova tačka IV. koja glasi: - „Koncesionar će zaposliti radnike sa Vareške općine i ispoštovat će sve ekološke standarde iz ove oblasti“. Dosadašnje tačke IV. i V. postale bi tačke V.i VI.

Ispred predlagača Ermin Musa izjasnio se o predloženom prijedlogu vijećnika Marija Mirčić. Po pitanju okolinske dozvole, izvijestio je Vijeće da je to već spomenuto-definisano u tački IV., a kad je u pitanju zapošljavanje radnika, Vijeće je izvijestio da se o ovom dijelu prijedloga ne može izjasniti ispred predlagača.

Zamjenik predsjedavajućeg OV konstatovao je da je Općinski načelnik saglasan da se prihvati prijedlog u vezi zapošljavanja radnika sa područja općine Vareš i stavio je na izjašnjavanje slijedeći

Zaključak:

1. **Predlaže se Općinskom načelniku da prihvati zaključak o davanju saglasnosti za dodjelu koncesije i eventualnu eksploataciju mineralnog resursa-krečnjaka na lokalitetu „Očevje“, općina Vareš uz iznesene prijedloge vijećnika predlagaču u raspravi i to:**
 - **da se doda nova tačka IV. koja glasi: „Koncesionar, koji u postupku javnog prikupljanja ponuda bude izabran kao najpovoljniji, obavezan je zaposliti minimalno 10 radnika sa lokalnog područja općine Vareš.“**

Dosadašnje tačke IV. i V. postaju tačke V. i VI.

Nakon izjašnjavanja vijećnika zamjenik predsjedavajućeg je konstatovao da je sa **20 glasova „ZA“ i 1 „SUZDRANIM“ glasom usvojen**

*Zaključak o davanju saglasnosti za dodjelu koncesije
za istraživanje i eventualnu eksploataciju mineralnog
resursa-krečnjaka na lokalitetu „Očevje“, općina Vareš.*

Vođenje sjednice, preuzeo je predsjedavajući OV.

Ad. 2.

*(Prijedlog Odluke o izmjenama i
dopunama Statuta općine Vareš.)*

Komisija za statutarna pitanja i propise, na sjednici održanoj 23.01.2012. godine, jednoglasno je donijela slijedeći Zaključak:

- **Komisija za statutarna pitanja i propise nema primjedbi na Prijedlog Odluke o izmjenama i dopunama Statuta općine Vareš.**

Predlagač nije imao potrebe za dodatnim obrazloženjem.

Otvorena je rasprava u kojoj su prijedloge i sugestije iznijeli vijećnici: Dženana Bešić, Elvir Rožajac, Nikola Šimić, predsjedavajući OV Josip Malbašić, sekretar OV Leon Pavlović i pomoćnik načelnika Rusmir Berberović.

Vijećnica Dženana Bešić, ispred Kluba vijećnika SDA uputila je sugestiju u vezi Prijedloga Odluke o izmjenama i dopunama Statuta općine Vareš, koja se odnosi na dodatnu izmjenu člana 7. u Odluci a u vezi sa članom 63. Statuta i predviđenim izmjenama, predlaže da se izvrši i izmjenu člana 66. stav 1. alineja 3. i to: da se u članu 66. stav 1. alineja 3. brišu riječi „druge mjesne zajednice“ a dodaju riječi „druge općine“.

Sekretar OV Leon Pavlović, ispred predlagača izjasnio se da prihvata sugestiju Kluba vijećnika SDA u smislu tome da poslije člana 7. u Prijedlogu ove Odluke bude član 7a., odnosno naredni član, koji bi glasilo: - da u članu 66. stav 1. alineja 4. se mijenja i glasi: „preseljenjem na područje druge općine“.

Predsjedavajući OV predložio je da se briše član 7. u prijedlogu Odluke o izmjenama i dopunama Statuta općine Vareš, o čemu je dao i objašnjenje.

Predsjedavajući OV dao je pauzu radi usaglašavanja prijedloga.

Sekretar OV Leon Pavlović upoznao je Vijeće sa usaglašenim prijedlogom i to:

- **da se član 7. Prijedloga Odluke o izmjenama i dopunama Statuta općine Vareš, mijenja i glasi:**
- **„U članu 63. dodaje se novi stav 2. koji glasi:**

Član Savjeta mjesne zajednice i drugih organa, može biti građanin koji svoje opšte biračko pravo ostvaruje na području te mjesne zajednice“.

Stav 2. i 3. postaju stavovi 3. i 4.

Vijećnica Dženana Bešić izjasnila se da ispred Kluba vijećnika SDA povlači predloženi prijedlog, jer je predlagač izvršio izmjene teksta u Prijedlogu Odluke o izmjenama i dopunama Statuta općine Vareš.

Sekretar OV Leon Pavlović predložio je Vijeću, da poslije izjašnjavanja o Prijedlogu Odluke o izmjenama i dopunama Statuta općine Vareš, izjasne se o slijedećem

Zaključku:

- **Mjesne zajednice općine Vareš će u roku od 30 dana od dana stupanja na snagu Odluke o izmjenama i dopunama Statuta općine Vareš, izvršiti usklađivanje svojih Statuta u skladu sa ovom Odlukom.**

Predsjedavajući OV stavio je na izjašnjavanja Prijedlog Odluke o izmjenama i dopunama Statuta općine Vareš.

Nakon izjašnjavanja vijećnika predsjedavajući OV je konstatovao da je sa **21 glasom „ZA“ usvojena**

Odluka o izmjenama i dopunama Statuta općine Vareš.

Predsjedavajući OV stavio je na izjašnjavanje predloženi Zaključak.

Nakon izjašnjavanja vijećnika predsjedavajući OV je konstatovao da je sa **21 glasom „ZA“ usvojen predloženi Zaključak.**

Ad. 3.

(Prijedlog Odluke o izmjenama i dopunama Poslovnika o radu Općinskog vijeća Vareš-Prečišćeni tekst)

Predlagač nije imao potrebu za dodatnim obrazloženjem.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o izmjenama i dopunama Poslovnika o radu Općinskog vijeća Vareš-Prečišćeni tekst.

Nakon izjašnjavanja vijećnika predsjedavajući OV je konstatovao da je sa **21 glasom „ZA“ usvojena**

Odluka o izmjenama i dopunama Poslovnika o radu Općinskog vijeća Vareš-Prečišćeni tekst.

Ad. 4.

(Prijedlog Odluke o utvrđivanju Dana općine Vareš.)

Predlagač nije imao potrebu za dodatnim obrazloženjem

Otvorena je rasprava u kojoj je vijećnica Dženana Bešić, u vezi ove tačke, iznijela stav Kluba vijećnika SDA ,o čemu je dala i obrazloženje.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju Dana općine Vareš.

Nakon izjašnjavanja vijećnika predsjedavajući OV konstatuje da je sa **15 glasova „ZA“ i 6 glasova „PROTIV“ usvojena**

Odluka o utvrđivanju Dana općine Vareš.

Ad.5.

(Prijedlog Odluke o organizovanju i funkcionisanju zaštite od požara i vatrogastva.)

Ispred predlagača Željko Franjić izvijestio je Vijeće o prihvaćenim primjedbama koje su iznesene na sprovedenoj Javnoj raspravi o Prijedlogu Odluke i uvrštene u Prijedlog Odluke o organizovanju i funkcionisanju zaštite od požara i vatrogastva.

Predložio je Vijeću dopunu člana 10. stav 1. i to: **-da se u članu 10. stav 1. iza riječi „projekta“ dodaju riječi „organizaciju i rad dimnjačarske djelatnosti“.**

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o organizovanju i funkcionisanju zaštite od požara i vatrogastva.

Nakon izjašnjanja vijećnika, predsjedavajući OV konstatuje da je sa **21 glasom „ZA“ usvojena**

Odluka o organizovanju i funkcionisanju zaštite od požara i vatrogastva.

Ad. 6.

(Prijedlog Odluke o obliku i sadržaju vijećničke iskaznice)

Ispred predlagača sekretar OV Leon Pavlović, izvijestio je Vijeće da je na osnovu primjedbe, sugestije i mišljenja koje je dato na 34. sjednici OV, ovlašteni predlagač prihvatio iznesenu primjedbu i ugradio je u Prijedlog Odluke.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o obliku i sadržaju vijećničke iskaznice.

Nakon izjašnjanja vijećnika predsjedavajući OV je konstatuje da je sa **21 glasom «ZA» usvojena**

Odluka o obliku i sadržaju vijećničke iskaznice.

Ad. 7.

(Prijedlog Odluke o prosječnoj konačnoj građevinskoj cijeni 1m² korisne stambene površine na području općine Vareš za 2011. godinu.)

Komisija za statutarna pitanja i propise na sjednici održanoj 23.01. 2012. godine jednoglasno je donijela Zaključak:

- **Komisija za statutarna pitanja nema primjedbi na Prijedlog Odluke o prosječnoj građevinskoj cijeni 1m² korisne stambene površine na području općine Vareš.**

Predlagač nije imao dodatno obrazloženje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjanje Prijedlog Odluke o prosječnoj građevinskoj cijeni 1m² korisne stambene površine na području općine Vareš.

Nakon izjašnjavanja vijećnika predsjedavajući OV konstatuje da je **sa 20 glasova «ZA» i 1 „SUZDRŽANIM „ glasom usvojena**

***Odluka o prosječnoj konačnoj
građevinskoj cijeni 1m² korisne stambene površine
na području općine Vareš za 2011. godinu)***

Ad. 8.

*(Prijedlog Odluke o povjeravanju na upravljanje i
korištenje vodovoda pitke vode za naselje Stupni Do sa izvorišta
„Sedra“ Javnom komunalnom preduzeću d.o.o. Vareš.)*

Komisija za statutarna pitanja i propise na sjednici održanoj 23.01.2012. godine jednoglasno je donijela Zaključke:

- 1. Komisija za statutarna pitanja i propise nema primjedbi na Prijedlog Odluke o povjeravanju na upravljanje i korištenje vodovoda pitke vode za naselje Stupni Do sa izvorišta „Sedra“ Javnom komunalnom preduzeću d.o.o. Vareš.**
- 2. Sugerise se nadležnoj službi općine da se vidi mogućnost i postupak izrade i donošenja jedinstvene Odluke o procedurama dodjele na upravljanje i korištenje na području općine Vareš u skladu sa Zakonom.**

Komisija je prihvatila sugestije sekretara OV u pogledu pravno-tehničkih ispravki u prijedlogu Odluke.

Ispred predlagača Ermin Musa izjasnio se da je ovlaštenu predlagač prihvatio stav Komisije za statutarna pitanja i propise.

Otvorena je rasprava u kojoj su svoje primjedbe, prijedloge i mišljenja iznijeli vijećnici: Elvir Rožajac, Ešref Likić, Džemo Kevrić i pomoćnik načelnika Ermin Musa koji je dao kratko objašnjenje i na traženje vijećnika Džeme Kevrić, upoznao prisutne da svi zainteresovani mogu dobiti na uvid ili kopiju dokument-inicijativu za donošenje ove Odluke pokrenute od strane MZ Stupni Do.

Zaključena je rasprava i predsjedavajući OV stavio je na izjašnjavanje Prijedlog Odluke o povjeravanju na upravljanje i korištenje vodovoda pitke vode za MZ Stupni Do sa izvorišta „Sedra“ Javnom komunalnom preduzeću d.o.o. Vareš.

Nakon izjašnjavanja vijećnika predsjedavajući OV konstatuje da je **sa 20 glasova «ZA» i 1 „SUZDRŽANIM“ glasom usvojena**

***Odluka o povjeravanju na upravljanje i korištenje
vodovoda pitke vode za MZ Stupni Do sa izvorišta
„Sedra“ Javnom komunalnom preduzeću d.o.o. Vareš.***

Ad. 9.

*(Prijedlog Odluke o povjeravanju na upravljanje
i korištenje vodovoda pitke vode za
MZ Dabravine sa izvorišta „Tatarin“
Javnom komunalnom preduzeću d.o.o. Vareš.)*

Komisija za statutarna pitanja i propise na sjednici održanoj 23.01.2012. godine, sa **4 glasa „ZA“ i 1 glasom „PROTIV“ usvojila je Zaključak:**

- **Da se tačka 4. Prijedloga Odluke briše, čime bi tačka 5. postala tačka 4. a tačka 6. postala tačka 5.**

Ispred predlagača Ermin Musa izjasnio se da je ovlaštenu predlagač prihvatio stav Komisije.

Otvorena je rasprava u kojoj su primjedbe, prijedloge, sugestije i mišljenja iznijeli vijećnici: Džemo Kevrić, Elvir Rožajac i Jasmin Salketić koji traži od nadležnih da mu se odgovori da li je vodovod „Tatarin“ vlasništvo općine Vareš i ako jeste, kad je uknjiženo?

Zaključena je rasprava i predsjedavajući OV stavio je na izjašnjanje Prijedlog Odluke o povjeravanju na upravljanje i korištenje vodovoda pitke vode za MZ Dabravine sa izvorišta „Tatarin“ Javnom preduzeću d.o.o. Vareš.

Nakon izjašnjanja vijećnika predsjedavajući OV konstatuje da sa **8 glasova „ZA“, 12 glasova „PROTIV“ i 1 „SUZDRŽANIM“ glasom nije usvojena**

***Odluka o povjeravanju na upravljanje i korištenje
vodovoda pitke vode za MZ Dabravine sa izvorišta
„Tatarin“ Javnom komunalnom preduzeću d.o.o Vareš.***

Ad. 10.

*(Prijedlog Programa rada
Općinskog načelnika za 2012. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj je svoje primjedbe, prijedloge, sugestije, mišljenja i amandmane iznijeli vijećnici: Elvir Rožajac, Ivan Lučić, Džemo Kevrić, Dženana Bešić, predsjedavajući OV Josip Malbašić, Općinski načelnik Hamdo Fatić i pomoćnik načelnika Rusmir Berberović.

Vijećnik Elvir Rožajac- predlaže da se u Program rada Općinskog načelnika za 2012. godinu, vezano za komunalni red i zaštitu okoliša, kao prioritet uvrsti i uklanjanje ruševnih objekata.

Vijećnik Ivan Lučić ispred Kluba vijećnika SDP predložio je dopunu Programa rada sa sljedećim amandmanima:

- A) U skladu sa obavezama koje proizilaze iz Zakona o državnoj službi, Zakona o plaćama i naknadama u organima vlasti FBiH i Odluke o organizovanju općinskih službi za upravu Općine Vareš i Stručne službe Općinskog vijeća i Općinskog načelnika u Programu rada Općinskog načelnika za 2012. godinu u I kvartalu predlažem:
 - 1. Donijeti Pravilnik o unutrašnjoj organizaciji Jedinstvenog općinskog organa uprave Općine Vareš i Stručne službe Općinskog vijeća i Općinskog načelnika.
 - 2. Uraditi Prijedlog Odluke o utvrđivanju platnih razreda i koeficijenata za obračun plaća u Jedinstvenom općinskom organu uprave Općine Vareš i Stručnoj službi Općinskog vijeća i Općinskog načelnika i isti dostaviti Vijeću na usvajanje.
 - 3. Donijeti Pravilnik o plaćama, dodacima na plaću i drugim primanjima, s obavezom da visinu i način ostvarivanja prava na naknadu i dodatke na plaću na prijedlog načelnika utvrdi Općinsko vijeće (član 62. Zakona o plaćama i naknadama u organima Vlasti FBiH.
 - 4. Donijeti Pravilnik o odmorima i odsustvima službenika i namještenika Općine Vareš (uskладiti ga sa Zakonom i naprijed navedenim aktima po njihovom donošenju).
- B) Isto tako u skladu sa Zaključcima OV, Programom rada Vijeća za 2012. godinu, kao i na osnovu Izvještaja Ureda za reviziju u I kvartalu potrebno je uraditi i Vijeću dostaviti Prijedlog Programa saniranja dugovanja Općine Vareš za period po nalazu Porezne uprave, a po osnovu neplaćenih doprinosa.

- C) U skladu sa Zakonom o komunalnim djelatnostima ZE-DO kantona, pokrenuti i okončati aktivnosti na provođenju svih procedura da se održavanje javne rasvjete povjeri pravnom licu osposobljenom za usluge komunalne djelatnosti.
- D) U skladu sa Lokalnim ekološkim akcijskom/akcionim planom za općinu Vareš i Planom upravljanja otpadom na području ZE-DO kantona, pristupiti formiranju tima za izradu Općinskog plana za upravljanje otpadom sa urađenim planskim periodom, planiranim aktivnostima, način realizacije, nosioce te sredstva za finansiranje uz tačno utvrđenu dinamiku i rokove.
- E) Pristupiti realizaciji Zaključka OV o izradi Elaborata sa prijedlogom mjera kako bi se poslovanje pravnog subjekta JU Centar za kulturu i edukaciju Vareš dovelo u zakonite okvire (Zaključak sa 30. sjednice, dat je rok 2 mjeseca).
- F) U skladu sa Zakonom o zdravstvenoj zaštiti (Sl. novine FBiH broj: 46/10, član 234.) pristupiti aktivnostima na donošenju akata o preuzimanju osnivačkih prava nad zdravstvenom ustanovom na području općine Vareš.
- G) Općinski načelnik će Općinskom vijeću, kvartalno (svaka 3 mjeseca) podnositi na razmatranje Izvještaj o ostvarenju budžeta za 2012. godinu.

Vijećnik Džemo Kevrić iznio je stav Kluba vijećnika BPS, da je Program rada dosta uopšten, da nema rokova i nosioca izvršenja, posebno je skrenuo pažnju na kapitalna ulaganja i izgradnju spomenika poginulim borcima Armije BiH i HVO-a, o čemu je dao i obrazloženje.

Vijećnica Dženana Bešić iznijela je stav Kluba vijećnika SDA i u svom izlaganju uputila sugestiju da se Programu rada u poglavlju IV. kapitalni projekti i finansijska ulaganja ne navodi da će se nastaviti asfaltiranje lokalnih cesta prema Strategiji, koju je Općinsko vijeće usvojilo, nego se definišu određena područja i uopće se ne spominju prioriteti. I u vezi s tim sugeriše da se u Programu rada treba navesti da će se nastaviti asfaltiranje lokalnih puteva na području općine Vareš prema prioritetima definisanim u Strategiji obnove, rekonstrukcije, asfaltiranja lokalnih cesta i puteva i kategorisanih, a Strategija je urađena i za nekategorisane puteve.

Općinski načelnik izjasnio se da prihvata predložene amandmane i prijedloge vijećnika iznesene u raspravi i da će biti uneseni u Programa rad Općinskog načelnika za 2012. godinu, osim zadnjeg amandmana Kluba vijećnika SDP koji se odnosi na kvartalno podnošenje izvještaja Vijeću o ostvarenju budžeta za 2012. godinu o čemu je dao i objašnjenje, naglašava da će se izvještaj dostavljati u skladu sa Zakonom svakih 6 (šest) mjeseci.

Vijećnik Ivan Lučić izjasnio se da prihvata prijedlog Općinskog načelnika i u vezi s tim predložio izmjenu amandmana pod tačkom G) koji glasi:

„G) Svakih 6 (šest) mjeseci, Općinski načelnik će Vijeću, podnositi na razmatranje Izvještaj o ostvarenju budžeta za 2012. godinu.“

Predsjedavajući OV konstatovao je da je Općinski načelnik prihvatio iznesene amandmane i prijedloge vijećnika u raspravi čime su postali sastavni dio Programa i predložio slijedeći

Zaključak:

- **Prihvata se Program rada Općinskog načelnika za 2012. godinu,**
- **Ovaj zaključak stupa na snagu danom donošenja.**

Nakon izjašnjavanja vijećnika predsjedavajući OV konstatovao je da je sa **14 glasova „ZA“ i 7 „SUZDRŽANIH“ glasova usvojen**

**Program rada
Općinskog načelnika za 2012. godinu.**

Ad.11.

(Informacija o radu PS Vareš sa ocjenom stanja bezbjednosti u 2011. godini.)

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj su svoje prijedloge, sugestije i mišljenja iznijeli vijećnici: Milan Knežević, Nikola Šimić, Elvir Rožajac, Tajiba Brkić i komandir PS Vareš Meho Bajrić koji je dao dodatno objašnjenje i odgovorio na neka pitanja vijećnika postavljena u raspravi.

Zaključena je rasprava i predsjedavajući OV stavio je na izjašnjavanje Informaciju o radu PS Vareš sa ocjenom stanja bezbjednosti u 2011. godini.

Nakon izjašnjavanja vijećnika predsjedavajući OV je konstatovao da je sa **20 glasova „ZA“ usvojena**

Informacija o radu PS Vareš sa ocjenom stanja bezbjednosti u 2011. godini.

Ad.12.

(Informacija o realizaciji preporuke iz Izvještaja o reviziji finansijskog Izvještaja Općine Vareš, datih od strane Ureda za reviziju institucija u FBiH.)

Predlagač nije imao dodatno obrazloženje za ovu tačku dnevnog reda,

Nije bilo rasprave po ovoj tački dnevnog reda i predsjedavajući OV stavio je na izjašnjavanje Informaciju o realizaciji preporuke iz Izvještaja o reviziji finansijskog Izvještaja Općine Vareš, datih od strane Ureda za reviziju institucija u FBiH.

Nakon izjašnjavanja vijećnika predsjedavajući OV je konstatovao da je sa **14 glasova „ZA“ i 5 „SUZDRŽANIH“ glasova usvojena**

Informacija o realizaciji preporuke iz Izvještaja o reviziji finansijskog Izvještaja Općine Vareš, datih od strane Ureda za reviziju institucija u FBiH.

Ad. 13.

(Informacija ŠUMMEX d.o.o. Vareš, od 20.01.2012. godine)

Predsjedavajući OV podsjetio je prisutne da je Kolegij OV donio Zaključak da se u ime Općine, vezano za Informaciju Šummexa d.o.o. Vareš, Općinski načelnik i predsjedavajući OV, zajedničkim pismom obrate nadležnim u Federaciji BiH i Kantonu, što je i učinjeno.

Otvorena je rasprava u kojoj su prijedloge, primjedbe i mišljenja iznijeli direktor Šummexa d.o.o. Vareš Sead Ganić i vijećnici: Ivan Lučić, Džemo Kevrić, Tajiba Brkić, Nihad Parić, Elvir Rožajac, Ismet Abdulahović, Milan Knežević, Dženana Bešić, Mato Pavić, Željko Matić i predsjedavajući OV Josip Malbašić.

Na osnovu diskusije vođene u raspravi i iznesenih prijedloga, predsjedavajući OV predložio je slijedeći

Zaključak

- **Općinsko vijeće daje ovlaštenje predsjedavajućem OV i Općinskom načelniku, da na osnovu rasprave sa Vijeća, vođene o Informaciji ŠUMMEXA d.o.o. Vareš broj:52/12 od 20.01.2012. godine, sačine akt (pismo) i upute ga nadležnim organima u FBiH i ZE-DO kantonu. Aktom tražiti preduzimanje mjera od strane nadležnih i upozoriti ih da situacija nastala u vezi ovog problema, narušava sigurnosnu situaciju u Varešu, da imaju otvoreni zahtjevi i dijela vijećnika i dijela javnosti za blokadu bilo kakvih aktivnosti. S tim u vezi traže se hitni sastanci da bi se ovo preduprijedilo i da bi se našla adekvatna rješenja za daljnje aktivnosti u oblasti šumarstva na području općine Vareš.**

Nakon izjašnjavanja vijećnika predsjedavajući OV je konstatovao da je sa **20 glasova „ZA“ usvojen predloženi Zaključak.**

Ad. 14.

(Tekuća pitanja.)

1. Predsjedavajući OV upoznao je prisutne da je Vijeću od strane Disko kluba Campari Vareš upućen zahtjev za provođenje Odluke o radnom vremenu u određenim djelatnostima, i o očitovanju od strane Općinskog načelnika na isti.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Milan Knežević, Elvir Rožajac, Ivan Lučić i Dženana Bešić koja je u ime Kluba vijećnika SDA predložila je da Općinsko vijeće donese Zaključak da se Odluka o provođenju radnog vremena u određenim djelatnostima, striktno primjenjuje u odnosu na član 13. Odluke.

Zaključena je rasprava i predsjedavajući OV na osnovu diskusije u raspravi predložio je slijedeći

Zaključak:

- **Obavezuje se Općinski načelnik da naloži dosljednu primjenu Odluke o radnom vremenu u određenim djelatnostima, jer je dosadašnji način primjene ove Odluke pokazao trend da se kafići i drugi ugostiteljski objekti pretvore u noćne klubove, za što nemaju zakonsku osnovu.**

Nakon izjašnjavanja vijećnika predsjedavajući OV je konstatovao da je sa **20 glasova „ZA“ usvojen predloženi Zaključak.**

2. Vijećnik Ivan Lučić upoznao je Vijeće sa aktivnostima Fondacije za obnovu i razvoj regije Vareša, a na osnovu članka u listu „Bobovac“, odnosno intervju sa predsjednikom Fondacije gosp. Mladenom Rudežom. Podsjetio je na Odluku Vlade iz 2001. godine kojom su odobrena sredstva za projekat „Rekultivacija prostora napuštenih rudnika željezne rude u Varešu“ u ukupnom iznosu od 4.106.200 KM. Općinski načelnik dao je pojašnjenja u vezi izlaganja vijećnika Ivana Lučića i odgovorio na neka postavljena pitanja. Rusmir Berberović dao je dodatna pojašnjenja u vezi osnivanja i registracije Fondacije za obnovu i razvoj regije Vareš.

Zaključena je rasprava i predsjedavajući OV na osnovu prijedloga vijećnika Ivana Lučića predložio je slijedeće:

- **Zadužuje se Općinski načelnik da na narednim sjednicama, pod tačkom „Aktuelna problematika“, Vijeće upozna sa aktivnostima Fondacije za obnovu i razvoj regije Vareša, jer je direktno u to uključen.**

Sjednica je završena u 14 sati i 40 minuta.

S E K R E T A R

Leon Pavlović

PREDSJEDAVAJUĆI

Josip Malbašić

ZAPISNIČAR

Azra Ibrahimović